

Vnd die den Krank tregt in der Hendt/
 Die andr sol dir werden gnendt/
 Ist des Wolff Appel in der Stadt/
 Der auch ein Herr ist in dem Raht/
 Auff das ich jrn Nam nit verges/
 Der Jungfraw / sie heist Caritas/
 Ihr solt auch achtung habn darnebn/
 Wie man den Krank wird vbergebñ/
 Nach alter arth wie sichs gebürt/
 In dem so sach ich das man fürt/
 Die Jungfrawn/ eine / ihrer zwen/
 Des Wolff Mülpforts thet fürgehen/
 Die trug den Krank vnd auch die Fahn/
 Die ander folget hienach schan/
 Diese habn auch ihr zwen gefürt/
 In dem Schießplan herum Spakirt/
 Die Musica die ging vorher/
 Zincken/ Posaun vnd anders mehr/
 Tratt so herum in allen Ehrn/
 Vnd kamen zu den zweyen Herrn/
 Die von der Raumburg kommen her/
 Der eine der heist Zeit Cankler/
 Der ander Nickel Kölbel war/
 Da tratt die Herrn von Zwiclaw dar/